



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 53. Pristinum foedus inter Franciæ Regem & Turcarum Imperatorem.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII.
A. C. 1618.

§. LIII.

Pristinum fœdus inter Franciæ Regem & Turcarum Imperatorem.

Gramond.

l. 3. Jæger.

Hist. Eccl.

l. 8. c. 5.

Merc. Gallic.

Jans.

Exeunte Mense Majo Osmanes Turcarum Imperator Constantinopoli Vre-
yur Legatum ad Franciæ Regem de-
cernebat, ut hic antiquum cum Turca
Christiani nominis jurato hoste fœdus
restauraret. Res feliciter ad exitum
deducta: id tamen summopere pluribus
displicuit Principibus, quos inter Hi-
spani apertius suam prodebant indigna-
tionem, sparsis in vulgus variis libel-
lis, in quibus immotum Religionis stu-
dium, quo Hispaniarum Reges semper
ferebantur, deprædicantes, bella & cla-
des Turcis a Carolo V. Philippo II. il-
latas, Melitam firmum fidei munimen-
tum contra Ottomanos, necnon Grana-
tam Sarracenis ereptam jactitabant, e-
contra vero Gallis exprobrabant, quod
& eorum Reges fœdera cum Turcis
inierint, hæreticosque æquo jure cum
Catholicis in Regno patiantur, illis of-
ficia fori & militiæ, nullo delectu ha-
bito promiscue distribuunt, hæreticis
decimas, sacrosque proventus relin-
quant, ac denique cum Germaniæ Pro-
testantibus communem habeant caul-
sam. Vicissim vero Galli in quodam
scripto

scripto Hispanis, Austriacisque objecta- Sæc. XVII.
 runt, quod pacta cum Turcis aut cum A. C. 1618.
 hæreticis inierint, quoties e re visum
 fuit, necnon cum illis quandoque ad
 opprimendos Principes Catholicos, sum-
 mosque Pontifices conspirarint, & Ca-
 rolus V. cum Henrico VIII. Anglo Rege
 fidei desertore fœdus pepigerit, cum
 tamen vix sparsa hæresis femina in pri-
 mo ortu suffocari potuissent, nisi apud
 Imperatorem odium in Gallos præva-
 luisset, quos icto cum Anglis fœdere
 armis infestabat, Romamque devastabat,
 ipsumque Pontificem Clementem VII.
 Lutheranorum ope in arce Sancti An-
 geli obsidebat, necnon tempore Conci-
 lii Tridentini vulgato per Germaniam
 libro *interim* Sacerdotibus matrimonia,
 & laicis communionem sub duplici spe-
 cie asserere nitebatur. Præterea Fer-
 dinandus non modo a Turcis pacem
 petierit, sed etiam munera & annua
 tributa obtulerit. Mutuis hisce crimina-
 tionibus otiosi ingenii homines pro pri-
 vato suæ gentis studio calamos acue-
 bant, non alio laboris proventu, nisi
 quod suam in arcanis Principum con-
 siliis inscitiam, propriamque censuran-
 di temeritatem luculenter prodiderint.
 Quicquid vero horum sit, id omnino
 certum est, quod Franciscus I. Gallia-
 rum Rex in postremo vitæ agone sum-

Sæc. XVII. me detestatus fuerit, quod cum Turca
 A. C. 1618. foedus contra Christianos pepigerit, &
 Solymanum adversus Hungariam ani-
 maric.

§. LIV.

*Propositum de nuptiis inter Angliæ
 Principem & Hispani Regis Fi-
 liam conciliandis.*

Rapin Hist. d' Angl. l. 18. Sub idem tempus in Anglia agebatur
Annal. Jacobi. I. p. 36. & seqq. de conciliandis nuptiis inter Mariam
Ferreir. Hist. Hisp. c. 2. Philippi III. Hispani Regis Filiam, &
 Walliæ Principem Jacobi I. Filium:
 Hanc in rem Angliæ Rex Rossium in
 Hispaniam ablegabat, ut cum Digbyo
 Anglo Oratore & Lerma Duce Hispano
 Ministro hoc negotium maturaret. Ob-
 stabant Protestantes, qui Angliæ Re-
 gem a pristino cum ipsis foedere nova
 cum Catholico Rege affinitate averti
 verebantur: E contrario autem Jaco-
 bus I. ex hoc connubio ampliores sibi
 spes pollicitus, rem toto studio urge-
 bat apud Philippum III. Mariæ Paren-
 tem, cui hoc consilium eo optatius vi-
 debatur, quo certius sperabat, quod
 Religionem Catholicam in Anglia pro-
 movere, simulque Jacobum ab armo-
 rum societate cum Germaniæ Prote-
 stantibus hac via retrahere posset. Huic
 etiam negotio proficuum impendebat
 ope-